

# TITO

---

## Pablo Tito Onoobedi Acaatinuhaame.

**1** Uujoho Pablo Moocaani jeevivominaafi, bu Jesucristo minisuminaafi icano. Jaabo uujoho miyaavogogaagovi sivaqui Moocaani iicimoco, bu miya iimaano iticovono imino fiivojaagovi isivajinoco igaajaqui, <sup>2</sup> bu ifinijitino fiivoma mihicajinoco mehesicininoco igaajaqui icano. Jaanoco Moocaani abañitatiibo: Ifinijitino fiivoco aciji, nuuhi siicijetiro jiinije fiivutinaacaro. <sup>3</sup> Jaamaño jino diibo unuusumi mihicacumaño, mihaico ijiibogoco gaajasucuubo, jino uco Motaajasuminaafi Moocaani ijiibogoco jiiibeguequi atajiibanofeenedi. <sup>4</sup> Jaaneguiiha iidi jihaameque caatinihi Tito ijoho tamiyaavogo seemene tamiyaabo idiicabedi. Jaano miyaavogoma iima misi mihicano. Jaabo uujoho imeguehi Dios Moocaani, bu Motaajasuminaafi Jesucristo icamisi ico imino omooninoco, bu sajeebii icaco aacinoco icano.

## Tito Creta Chugaivi Ududicamaaño.

<sup>5</sup> Ico uujoho Creta chugaivi ficuhiniuhi oono imibachurautinoco dimibachuqui, bu quillahutoco ficuqui Moocaani iijano faacuumivari iicajajefaña oono ico atajiibaubadi. <sup>6</sup> Jaanegui quillahutoobo imino iicaqui, sita diibediti: Imitino, nootimo iicaqui, bu jaabo saafigo tajere iicaabo iicaqui, bu jaabo seeme miyaavogominaa icamediti sita diitoco: limitimo, bu guubutimo icano, nootimo iicaqui icano. <sup>7</sup> Miiro Moocaani iija toomominaafi obispo onoobo iimino ifi iticovono ifiima icanicahi. Jaabo jenaafifitiibo iicaqui, bu icajisutiibo iicaqui, bu guiriicavefitiibo iicaqui, amocasifitiibo iicaqui, bu ajashurunoco guiraano ajaadusuuboro guiraano nihibamico iicinoco imogotiibo iicaqui icano. <sup>8</sup> Ivi jilliro baaminaaco imino ijafaño igaayicihicaqui, bu iimino icaco iimeguequi, bu imihuseebe iicaqui, bu imino imoonihicaqui, bu Moocaanidiro ifiico ificuuqui, bu ifi imitinoco iimogonoco moonitiibo iicaqui, <sup>9</sup> bu miyaano jiiibogoco diiboco ijiibugunuoco jeevesutiibo iicaqui icano. Jaaboro sitaaco iimino jiiibogori iquehcutusuqui, bu ejenaauhicamoco imiyaavuvushicaqui icano.

<sup>10</sup> Miiro sihidi icamo aivo uguubuhicatimo, bu aivo janaanici judiomifaño icamo icano. Jaamo sicamañooco ihiiamaamoro miyaminaaco bañihicamo. <sup>11</sup> Jaamoco lliinoci iimaatimo iicaqui. Miiro fajavaminaacoro mitasumoro feehicamo mijiiibogotatinoco ijiibogomo iifurumo toonohallivi nihibamico igaayiciqui.

<sup>12</sup> Miiro diito Cretaminaa jihovotoco acaanivamo iimaaminaafi iyotoditiro nuuhi: Cretaminaa aivo bañififimo, bu aivo asimibadi jeevamo,

aivo machuffifimo, gaiquifiifimo icano, nooboro. <sup>13</sup> Jaabo aivo miyaanoco nuuhi. Jaanegui sefano diitoco fagoo imino imiyaavomoro iicaqui. <sup>14</sup> Bu jaamoro judiomi bañifira jiiibogoco miyaavogotimo iicaqui, bu onoo miyaano jiiibogoti uuvuduvehicamo ijiiibogonehejetei icano.

<sup>15</sup> Miiro ihesamaaje imihinivatimedi paryi fanoova mihinivatihii. Jaanoti imiyaavogotimedi, bu ihesamaaje imihinivatimedi icano fanooro mihinivano. Miiro ihesamaaje, ijeebii icano paryi diitoco imihinivamaño. <sup>16</sup> Jaamo: Moocaanico magaaajahi, unuuruno omoonihicanofañodi gaajaveechuno miyaano iicatino. Miiro idicufimo, bu guubutimo, bu iimino moonico ajashuno gaajatimo icano.

### Miyaano Jiibogo.

**2** Jaabo idiibugusumi miyaano jiibogofañodiro diibeguehica. <sup>2</sup> Bu amiyato gaifiimico diibogo guiriicavotimo iicaqui, bu iminoro ihesamaaiqui, bu miyaavogofaño imino iicaqui, bu gajijima iicaqui, bu jaabicima iicaqui icano. <sup>3</sup> Bu tolliro amiyato gaigoomi Moocaani iimogobadiro iicaqui, sicamañehejeque jiibohocasitimo, bu guiriicavotimo iicaqui icano. Jaaneri imino, <sup>4</sup> bagocajamico ejeevamaaisuneri diito aijimico igaijiqui, iseemeque igaijiqui, <sup>5</sup> bu diigo iminoro ihesamaaiqui, bu ajevatigo iicaqui, bu ijaco imino iteemequi, imihusegue iicaqui, aiji onoonoco jenaautigo: Jii, ineehicaqui icano. Jaanofañodi miihaiñooba Moocaani jiibogo imitino iimaatimo iicaqui.

<sup>6</sup> Jaabadiro bu sicafequo dino: Imihusene iicaqui. <sup>7</sup> Paryi ijijoho omooninofañodi diitoco gaajasu. Jaamoco idiibogusumi imihusene diibogo, jeejeeje icatiibo, <sup>8</sup> iminoro diimaa, toonofeenedi mijoho: Ico diihimiti, needino. Tolliti nucufevajimo onoo paryi Moocaani jiibogoco imeguehicitimo. ¿Jaamo milliti bu miihaiti imitino iimaajirahi?

<sup>9</sup> Tolliro bu jeevivominaaco fajiini ihaivojito atajiibanoco paryi: Jii, ineehicaqui, diitoco imo imo imoonihicaqui, bu onoonoco iimusuffitimo, <sup>10</sup> bu nanivatimo imihusenere iicaqui. Jaanoco aatyimemere famooro igaaajiqui Motaajasuminaafi Moocaani jiibogo oovosiinoco.

<sup>11</sup> Miiro Moocaani miihaico iimihuseque iifusuno sivahi taajasuco paryi miyaminaadi. <sup>12</sup> Jaano toono Moocaani imihuse miihaico jiiibeguehi mohimitico mejeevesuqui, bu jiiinijeo imogonehejeque icano. Jaamoro jiijehallivi imino miicaqui, ticovono ifiima Moocaanidiro. <sup>13</sup> Tolliro bu miihaico gaajasuno onoo oovosiino sihidi ejeevaabo Moocaani Motaajasuminaafi Jesucristo asaajinoco onoo motoomo miihaico unuunoco. <sup>14</sup> Jaabo miiro mohallivi guijeveuhi paryi mohimitico initiuboro miihaico itaajasuqui, diibota mihicamoro imino momoonihicaqui.

<sup>15</sup> Jaano jinoco diitoco diibogo, quehecutusuboro, mityama fagooboro icano. Ivi saatohoti difiico taajavusudino.

### Miyaavogominaa Jilli Iicano.

**3** Tolliro bu diitoco desaayu paryi aivojitoco imityaguehicaqui, bu paryi fanoova iiminoonocoro imoonihicaqui icano. <sup>2</sup> Tolliro bu sitaaditi imitino iimaatimo iicaqui, bu sajeebiiima iicamoro sitaama imihijino iicaqui, bu siicujeebiiima paryi famoovamaryo iicaqui icano.

<sup>3</sup> Miiro bu miihai iticoni tolliro miihifomo mihicauhi, bu Moocaani onoonoco: Jii, meneehicautihi, jilli mimitaciniuhi, bu fanoohimiti imogono, bu fanoohimiti imo icaneheje icano jijovoto mihicauhi

fanoohimitifaño mihicaumaño, bu sitaanoco mihimeguehicauhi, mijiiheveciniuhi, bu fahigova sitaama mijiihevecasihicauhi icano.

<sup>4</sup> Jaarunaaca Moocaani Motaajasuminaafi igajico, bu iimihuseque icano miyaminaaco iifususumi <sup>5</sup> miihaico taajasuubo. Jaaruno miihai iiminoco momooniunoti icatino, jilli miihaico iidaasuguumaño. Jaabo miihaico taajasuubo Igajari miihaico initiuno bohofiico acinofenedi. Jaano Moocaani Gaija miihaico bohofiima icasuhi. <sup>6</sup> Tolliro bu Motaajasuminaafi Jesucristofenedi Moocaani miihaico Igajaco ajashutino aciuhi. <sup>7</sup> Jaaboro iimihusefañodi miihaico igaayiciqui jaanofenedi miihai ifinijitino fiivoco meteemehicanoco magaayiciqui.

<sup>8</sup> Jaano jino aivo miyaano. Jaaneguiiha imeguehi ijoho jinooco sefano atajiihanoco. Jaaneri Moocaanico imiyaavogomo iiminocoro imoonihicaqui. Jino aivo paryi fameediro imino. <sup>9</sup> Jaanoti mihifono iimaaco deecivedino siicijeminaa momono guicibadi iicanehejeque, bu jiihevecasinehejeque, bu onono Moise tajiibahallivi jenaucasinehejeque icano. Toono jilli mihiifoneheje, jihovoneheje.

<sup>10</sup> Jaanoti bu saatoho Moocaani iijaminaaco siibadije udugaacuhachiiji fagoo mifoociro. Jaanoco: Jii, onootihachiiji diiboco buhigovi gañii.

<sup>11</sup> Jaano uguubutinoti gaaja diibo miyaanoti imitacuunoco, bu iimitiro diiboco: Imitino, unuucuunoco.

#### **Titoco Ifitacuuno.**

<sup>12</sup> Uujoho dijaago Artemas onooboco, bu Tiquico onooboco icano agalluudi, tolli icarunofaño disaa Nicopoli cuumijaago uco emeecitoobo. Uujoho tuucuumivi jiiinijadiihico afatyonoco imeguehi. <sup>13</sup> Bu disefadino daamusu saafi abogado Zena onooboco, bu Apolo onooboco icano. Jaamisi ucuujivaachunoco daaci jinejete cuujivaachutimisi ifeequi. <sup>14</sup> Jaanoco aatyimemere mota iicamo igaajaqui imino moonico. Jaamoro ucuujivaachumoco ihaamusuhicaqui. Tolliti ifiino sinejeguiiha iimiqui.

#### **Niino Fitacu.**

<sup>15</sup> Paryi jino uuma iicamo dijaa ijico galluuhi. Ijoho bu moojico daaci miyaavogofañodi monahabomi iicamoco. Jaafa Moocaani paryi amiihaico imino moonihi.